

同文
原版

淵鑑類函

盛秋署檢

淵鑑類函卷四十一

帝王部二 帝王總裁

帝王總裁五
頌 贊

原晉潘尼乘輿箴曰皇極肇建兩儀既分尋倫未序萬邦糾紛國事明主家奉嚴君各有攸尊德罔不勤煌煌四海謁謁萬乘匪賢焉倚匪哲焉憑左輔右弼前疑後丞一日萬幾業競競夫出其言善則千里是應而莫余違亦喪邦有徵辛作璿室而夏興瑤臺糟丘酒池象箸玉杯叔世道衰末俗化淺耽樂逸遊荒淫沈湎不式古訓而好是佞辯不遏正路而覆車是踐滅敗之功載在前典匪唯陵夷厥世用殄故曰樹君如之何將民是司牧視之猶傷知其寒燠故能撫之斯柔而教之斯睦無遠不懷靡思不服夫豈厭縱一人而玩其耳目內迷聲色外荒馳逐不脩政事而終於顛覆

唐張蘊古大寶箴曰今來古往俯察仰觀惟辟作福爲君實難主普天之下處王公之上任土貢其所求具僚陳其所倡是故恐懼之心日弛邪僻之心轉放豈知事起乎所忽福生乎無妄是以聖人受命拯溺亨屯歸罪於己因心於民大明無私照至公無私親故以一人治天下不以天下奉一人禮以禁其奢樂以防其佚左言而右事出警而入諫四時調其慘舒三光同其得失故身爲之度而聲爲之律勿謂無知居高聽卑勿謂何害積小就大壯九重於內所居不過容膝彼昏不知瑤其臺而瓊其室羅八珍於前所食不過適口唯狂罔念丘其糟而池其酒安彼反側如春陽秋露巍巍蕩蕩恢漢高天度撫茲庶事如履薄臨深戰戰慄慄用周文小心詩之不識不知書之無偏無黨一彼此於胸臆捐好惡於心想衆棄而後加刑衆悅而後行賞弱其強而治其亂伸其屈而直其枉故曰如衡如石不定物以限物之懸者輕重自見如水如鏡不示物以情物之鑒者妍蚩自生勿渾渾而濁勿皎皎而清勿汶汶而闇勿察察而明雖冕旒蔽目而視於未形雖黻纁塞耳而聽於無聲縱心乎湛然之域遊神於至道之精扣之者應洪纖而效響酌之者隨深淺而皆盈故曰天之經地之寧王之貞四時不言而代序萬物無言而化成豈知帝力而天下和平

李德裕丹扆六箴曰先王聽政味爽以俟雞鳴既盈日出而視伯禹大聖寸陰爲貴光武至仁反支不忌無俾姜后獨去簪珥彤管記言克念前志宵衣旰食聖人作服法象可觀雖在宴游尚不懷安汲黯莊色能正不冠

楊卓慨然亦譏縹緲四時所御各有其官非此勿服惟辟所難正服漢文罷獻詔還駟轡徐驅馮用于里厥後令王亦能恭已翟裘既焚筒布則毀道德為麗慈儉為美不過天道斯為至理罷獻惟后納誨以求

厥中從善如流乃能成功漢驚沈酒舉白浮鍾魏歡侈汰凌霄作宮忠雖不忤而善亦從以規為瑱是為塞聰納誨居上處深在寮微萌雖有譏惡不能蔽明漢之孝昭蒙過周成上書知詐照姦得情燕蓋既折王猷洽

平百代之後乃流淑聲辨邪天子之孝敬遵王度安必思危乃無遺慮亂臣獨獷非可遽數元服莫辨觸瑟

始仆柏谷微行豺豕塞路親貌獻殮斯可戒懼防微宋陳彭年大寶箴曰二儀之內最靈者人生民之中

至大者君民既可畏天亦無親所輔者德所歸者仁恭已臨下輝光益新載籍斯在謀猷備陳內綏萬國外撫

百蠻治亂所始言動之間觀之則易處之則難由是先哲喻彼投艱苟能慮末乃可防閑審求逆耳無惡犯顏

既庶而富教化乃施慈儉之政庶富之基鰥寡孤獨人之所悲發號施令宜先及之黃髮鮐背心實多知左右

侍從何莫於茲瞻言百辟咸代天工儻無虛授可建大中克謹彰瘁惟藉至公知人則哲視遠則聰才固難備

道亦少同葑菲罔捨杞梓乃克不扶自直惟蓬在麻非揀莫見惟金在沙參備顧問必辨忠邪獻替以正裨益

無涯自區草澤亦有國華訪此髦士可拒朋家三章之立庶民作程欽哉欽哉可以措刑九伐之建寇孽是平

本仁本義可以弭兵是謂齊禮亦曰好生有教無類自誠而明宗廟社稷饗之以恭宮室苑囿誠之在豐春蒐

秋獮不廢三農擊石拊石用格神宗使人以悅乃克成功治國以正罔或不從濟濟多士用之有光硜硜小器

謀之弗臧忠言致益豈讓膏粱六藝為樂寧後笙簧任賢勿貳堯所以昌改過不吝湯所以王六合至廣萬彙

攸多風俗靡一嗜慾相摩如馭枯索若防決河左契斯執六轡遂和導之以德民免嬰羅不懈於位俗乃偃戈

先王之訓罔不咸然吾君之治亦取斯焉小心翼翼終日乾乾三靈降鑒百祿無愆由茲率土永戴堯天巍巍

洪業億萬斯年明王弘誨無逸殿箴曰大君凝命統御萬方總攬威福調劑紀綱得之則化臻上理失之則

治用不臧故克艱者惟后而不易者惟王緬惟聖人自強不息度天祇民不遑暇食保惠念稼穡之艱抑畏勤

康田之即享國以之彌長后王因而丕式豈如叔季棄小忽微以天位為可樂捐小民之所依履冰無兢兢之

戒集木無惴惴之危迷途既遠覆轍何追是用攬鏡興亡提衡善敗取公旦之陳謨法成王之受戒比前事若

章弦奉聖言如著蔡揭無逸於便殿拜昌言於往代夫適情肆欲其逸乃足無亦誦耽樂罔壽之旨以自畜而伐性之斧不使陳於目勞民動衆其逸乃重無亦鑒觀逸遊田之訓以自訟而馳騁之娛不使投其空輟改舊章其逸乃長無亦營變亂刑政之文以自防而紛更之議不以易其常不恤衆怨其逸乃見無亦引違怨咀之規以自善而防川之術不以施於賤淫刑窮兵其逸乃盈無亦懲無罪無辜之語以自繩而草菅之念不以瀆其經嗚呼一念之逸萬事之隳一時之逸終身之疵法天行健惟日孜孜惟聖罔念無不在茲堯兢舜業並稱巍巍惟無逸乃能有逸惟有爲是以無爲彼秦氏之衡石隋室之傳餐徒爲叢脞奚取圖難吾將企四王之迪措九有於安瀾固朝乾夕惕之不暇而遑即夫世主之所安 李大武仁明武箴曰惟辟統天懋建皇極運治穆清集機淵默包體用以兼該治剛柔而作則蓋聖學本乎惟一而衆美貴乎相參欲提綱而挈領必體一而函三體仁長人萬善斯括亶聰明而作后亦神武而不殺博施濟衆惟仁是保苟予仁之未導赤子蒼生胡繇而昭融威命靈爽惟武斯懾苟予武之弗烈數天率土胡繇而震疊勿恃終食爲仁而謂人欲不能清不見山木得養則長失養則消勿恃一隙爲明而謂私意不能隔不見盆水澄之終朝撓之一掬勿恃意氣爲武而謂事變不能敵不見強弩張之甚難弛之甚易匪直殘忍傷仁即優游姑息亦亂仁之真匪直壅蔽害明即苛求淵察亦失明之情匪直矯矯攻武即剛愎拒諫亦用武之誤嗚呼衆人之仁杯水車薪聖心之仁純純全全如天施地生合蠕動而咸育斯其爲天下之至平衆人之武怒臂當車聖心之武赫赫皇皇如雷厲風行舉百昌而咸悚斯其豐部而畢照斯其爲天下之至深衆人之武怒臂當車聖心之武赫赫皇皇如雷厲風行舉百昌而咸悚斯其爲天下之至威既公溥而明通亦有仁而有勇繁三劄之所陳實百王之攸重雖異用而同體總會歸於一中苟三德之不愆何萬化之難通斯皇猷之要領而君道之折中托前疑而授簡敢上告於宸聰 申時行思政軒箴曰惟皇睿聖光嗣丕基弗寧燕處有儼若思厥思維何萬幾一日千里應違謀之几席惟皇立政欽若昊天涵育萬彙覆被八埏曰雨曰暘思其或愆惟皇立政憲於列祖金科玉條具在故府是訓是行思繩厥武四海惇嫜政是用康一夫不獲我視如傷何以亢之行葦甘棠殊方卉服政是用輯一夫不戒作我姦賊何以清之苞桑磐石萬方玉食思及鉏耜袞服在御思及杼機徵輸罔藝乃政之疵筐篚之恩用思有式尚方之需費

思有極濫出無經乃政之憲任思弗二或蔽其聰去思弗疑或撓其公毋昵厥比衡平鑑空言逆於耳思或爲
利言遜於心思或爲戾毋恣厥情虛心執契勿謂已明察見淵魚勿謂已斷決事庭除思古哲王用人有餘勿
謂予喜賞或爲僭勿謂予怒刑或爲濫思古哲王監於成憲朝以出政則思其終紛更之戒晝一之從夕以脩
令則思其始毋徇寡辭毋眩多指是之爲思規安萬世天命不易爲君實難人亦有言日中則昃無疆惟恤思
之思之鬼神通之戶牖誦之 王肯堂敬天勤民箴曰天佑下民作之君師握持大寶令行如馳外馳八荒內
牧九域日照月臨罔不恭職匪民有私匪天有親德配彼蒼澤闡下民配蒼維何曰惟皇畏顧視罔儋夙興夜
寐澤民維何詢民之瘼一夫怨咨罔自豫樂匪獨郊禘穆穆嚴趨觸然後敬中心已渝匪惟執馭兢兢若朽感
然後勤勤何能久古之敬民所以敬天自民視聽敢云不然冕旒蔽目目周天壤黈纁塞耳耳藏羣響一日不
御萬方昌承晏亦安耳如民予憎巍巍放勳今古致理究厥所操欽明而已虞戒逸樂夏訓風懲虎賁綴衣周
之韋弦雖有成德從諫斯聖雖有葛亮賢於卑佞不辭謬譔用讚皇輿小臣獻箴敢告周廬 王象節保泰箴
序曰自古所以維國體振人心者莫急於全盛之日而潛伏乎渙散懈弛之形何則殷憂多難庸愚驚焉熙洽
恬愉聖詒玩焉譬若太行羊腸謹於戀勤或無虞於登坂而康衢有覆轍則忽而墮也吞天沃日慎其維機尚
無慮於洪濤而平濶有敗舟則狃而壞也殷宗納彤彤日之諫而消桑穀周宣有脫簪之警而遣採薇均爲中興
尚矣不然開元天寶建中靖國豈非極盛際哉而一域不戒禍不旋踵可鑒也夫我二祖興創聖統列聖茂衍
鴻基皇上紹繹二十年於茲德化翔洽威靈赫濯休容在列戎夷北面即有一二烽燧之倣而陰陽內外截然
界限不可謂非當保泰之時顧瑕類漸萌精神漸墮風俗漸偷紀綱漸亂苟無桑土之謀不免厝火之禍敬循
舊見少效虞箴其詞曰惟辟奉天爲君實難克艱厥后保泰爲先大象維何金甌常完九譯稽顙四國歌弦風
鳴於岡嵩祝其年無平不陂無往不還黔黎鉏耒遂生戈鋌所以聖王日夕糾虔戶牖綢繆其志永監仰觀盈
虛俯勤宵旰九嬪八子寢豈不甘長樂昭陽樂豈不縣言念幾康勿溺便媚懼生酖毒戒彼晏安晝日三接清
蹕常傳九塞三陴念周旋以克長世太平永肩於赫皇明聖人當天勤政講學帝德罔愆濟濟朝列夔龍同
賢爰惟今日消長攸關願言保泰皇心無倦毋曰昌明肇穀之下或成夷羌毋曰富有黔黎之賤或抗元首明

明股肱惟泰則親毋令三事嘗隔九閭赫赫金城惟泰則豫弗使元良忽生間阻慎之又慎側席求理億萬斯年受天無斃小臣獻箴毋怠毋忽 劉孔當保泰箴曰可畏非天可愛非時其倏其忽爲治爲圯皇皇泰運亦孔之昌豈不爾穀以豫以康顧此安兮危之所倚顧此存兮亡之所始譬彼行棋見在莫必累躋而勝食兩而失譬彼馳車惟厥所馭或險而戒或夷而躓蓋常人狃於眉睫而禍幾伏於隱微惟兢兢其馭朽乃明明其丕基古我先王有懷如履衣初未濟桑土未雨豈不警格地祥天符曰余不德胡以介茲豈不咸若羽毛角曰余小子孤寡不穀豈不率俾旅焚越雉曰余不及而享其贄蓋旱則資舟水則資車用持盈以豫而採傾以時嗚呼念哉治耶忽耶判若蒼素揆厥所由寘惟人寘何去何從孰臧孰否微臣獻箴以告丹陛

原贊魏陳王曹植庖犧贊曰木德風姓八卦創焉龍瑞名官法地象天庖厨祭祀罍網漁畋瑟以像時神德通元 晉摯虞庖犧贊曰昔在上古惟德居位庖犧作王世尚醇懿設卦分象開物紀類施罍設網人用不匱

王彪之伏義贊曰悠悠皇犧體寂神澄無爲而化出道之疑不知有之冥感自興因應之跡畫象結繩 魏陳王曹植女媧贊曰古之國君造簣作笙禮物未就軒轅纂成或曰二皇人首蛇形神化七十何德之靈 又神

農贊曰少典之胄火德承木造爲耒耜導民播穀正爲雅琴以暢風俗 晉摯虞神農贊曰神農居世通變該極民衆默歎乃教稼穡聚貨交市草木播植務濟其本不通其飾 魏曹植黃帝贊曰少典之孫神明聖哲土

德承火赤帝是滅服牛乘馬衣裳是制氏雲名官功冠五列 又黃帝三鼎贊曰鼎贊曰鼎贊文精古之神器黃帝是鑄以像太乙能輕能重知凶識吉世衰則隱世和則出 晉曹毗黃帝贊曰軒轅應元期幼能總百神體鍊五

靈妙氣含雲露津摻石曹城岫鑄鼎荆山濱豁焉天扉闢飄然跨騰鱗儀鸞灑長風寒裳躍紫宸 周庚信黃帝見廣成畫贊曰治身紫府問政青丘龍湖鼎沒丹竈珠流疎雲即雨落木先秋至道須極長生可求 晉摯

虞黃帝贊曰黃帝在位實號軒轅車以行陸舟以濟川弧矢之利弭難消患垂衣而治萬國乂安 魏曹植少昊贊曰祖自軒轅青陽之裔金德承土儀鳳帝世官鳥號名職殊別系農正扈氏各有品制 又帝顓頊贊曰

昌意之子祖自軒轅始誅九黎水德統天以國爲號風化神宣威暢八極靡不祗虔 又帝嚳贊曰祖自軒轅元囂之裔生言其名木德帝世撫寧天地神聖靈察教弼四海明並日月 又帝堯畫贊曰火德統位父則高

辛克平共工萬國同塵調適陰陽其惠如春巍巍成功配天則神 晉摯虞唐堯贊曰唐帝放勳欽明文思惟天爲大惟堯則之巍巍蕩蕩萬邦雍熙 周庾信帝堯登壇受圖贊曰登壇洛汭沉玉河湄丹圖馭馬綠甲乘龜榮光上幕休氣連帷雖存克讓于見文思 魏曹植帝舜贊曰顓頊氏族重瞳神聖克協頑瞽應唐涖政除凶舉俊以齊七政應曆受禪顯天之命 晉夏侯湛虞舜贊曰有虞懜懜揖讓鼓琴垂拱臨民詠彼南音世澄道元天下混心民思王度如玉如金 庾闡虞舜像贊并序曰夫至道元妙非器象所載靈化潛融非軌迹所傳故道資沖樸則謂之三皇德被羣生則號稱舜禹是以先王因其會通制爲準極功格於天則配於上帝法施於民則載在祀典然後名教彰於至治王道煥乎無窮故茲堂之構也有自來矣然樹寢所以栖神而寢非神之所期立像所以表德而像非德之所存若乃廢其軌景洞其元真雖冥照之鑒獨朗而天下惡乎注其耳目哉遂乃顯圖靈像廓其廟壇俾天光焜於宇宙南風散乎五絃豈謂神道之妙可寄之於有涯哉蓋亦暢悠悠者之心也其辭曰元像焜耀萬物含靈飛龍在天陽德文明神道雖寂務由機生擁琴高詠寄和五聲元風既暢妙盡無名民鑒其朗孰測窈冥 周庾信舜于戚畫贊曰平風變律擊石來儀先齊七政更服三危朱干獨舞玉戚空塵南風一曲恭已無爲 魏曹植夏禹贊曰吁嗟夫子拯世濟民克卑宮室致孝鬼神蔬食薄服綿冕乃新厥德不回其誠可親疊疊其德溫溫其仁尼稱無間何德之純 又禹治水贊曰嗟夫夏禹實勞水功西鑿龍門疏河導江梁岐既闢九州以同天錫元圭奄有萬邦 又禹渡河贊曰禹濟於河黃龍負船舟人並懼禹歎仰天子受大運勤功恤民死亡命也龍乃弭身 周庾信禹渡江贊曰三江初鑿九谷新成風飛鶴涌水起龍驚樂天知命無待憂生危舟遂靜亂楫還平 晉摯虞夏禹贊曰決隄疏河刊山敷土四隩既宅彝倫攸序卑宮菲食以寧區宇 魏曹植殷湯贊曰殷湯伐夏諸侯振仰放桀鳴條南面以王桑林之禱炎災克償伊尹佐治可謂賢相 又湯禱桑林贊曰惟殷之世炎旱七年湯禱桑林祈福於天翦髮斷爪自以爲牲皇靈感應時雨以零 周庾信湯解網贊曰連珠兩起合璧雙沈穀爲祥樹桑成樂林三方落網一面驅禽德以行政仁乎用心 晉摯虞殷湯贊曰睿也惟商實惟成湯三五迭興舍帝稱王 魏曹植文王贊曰於赫聖德實惟文王三分有二猶服事商化加虞芮旁暨西方王業克昭武嗣遂光 原又文王赤雀贊曰西伯積德

夫命攸顧赤雀銜書爰集昌戶瑞爲天使和氣所致嗟爾後王昌期而至 晉摯虞周文王贊曰周文翼翼刑體教上帝是臨神明是勞東鄰之昏西鄰之曜九有既集以聖易暴 周庾信文王見呂尚贊曰言歸養老垂釣西川岸止磐石谿唯小船風雨未感意氣怡然有此相望于今幾年 魏曹植周武王贊曰桓桓武王繼世滅殷威在尚父且作商臣功加四海救世濟民天下宗周萬國是實 晉摯虞周武王贊曰於皇武王天命是鍾七德既曜莫不率從奄清宇宙靈商之蹤 魏曹植周成王贊曰成王繼武聖賢保傳年雖幼雅岐嶷有素初疑周公終焉克寤且爽佐治遂至刑措 又周公贊曰成王即位年尚幼雅周公居攝四海慕利罰叛柔服祥應仍至誦長反政達天忠義 周庾信成王刻桐葉封虞叔贊曰虞叔百里居河之汾帝刻桐葉天書掌文禮以成德樂以歌勳天子無戲唐其有君 晉摯虞周宣王贊曰宣王承衰邦家多阻懲難思理官人以敘山甫補闕方叔禦侮是用中興恢復周宇 魏曹植漢高皇帝贊曰屯雲斬蛇靈母告祥朱旗旣抗九野披攘禽嬰克羽埽滅英雄承機帝世功著武湯 晉傅元漢高祖畫贊曰赫赫漢祖受命龍興五星協象神母告徵討秦滅項如日之升超從側陋光據萬乘 摯虞漢高祖贊曰漢祖明達兼資權武總御羣雄翦翦強楚奮正華夏經略區宇遂登天位鑽竟之緒 周庾信漢高祖置酒沛宮畫贊曰遊子思舊來歸沛宮還迎故老更召歌童雖欣入沛方念移豐酒酣自舞先歌大風 唐睿宗漢高祖贊曰天造草昧雄圖糾紛赫赫漢祖應若興雲秦隴鹿喪沛澤蛇分大風一起南面稱君 晉摯虞漢惠帝贊曰孝惠內脩親親外禮宰相優寵齊悼趙隱思敬篤矣聞孫叔通之諫則色瞿然納曹相國之對而心大悅可謂寬仁之主遭呂太后虧損至德悲夫 魏曹植漢文帝贊曰孝文即位愛物檢身驕吳撫越匈奴和親納諫赦罪以德讓民殆至刑措萬國化淳 晉摯虞漢文帝贊曰漢之光大實惟孝文體仁尚儉克己爲君按轡細柳抑尊成軍營北南原陵不崇墳 魏曹植漢景帝贊曰景帝明德繼文之則肅清王室克滅七國省役薄賦百姓殷昌風移俗易齊美成康 又漢武帝贊曰世宗光光文武是攘威震百蠻恢拓土疆簡定律歷辨脩舊章封天禪土功越百王 周庾信漢武帝聚書贊曰獻書路廣藏書府開秦儒出谷漢簡吹灰芝泥印上玉匣封來坐觀風俗不出蘭臺 宋范蔚宗光武贊曰炎政中微大盜移國九縣麗迴三精霧塞民厭淫詐神思反德世祖誕命靈貺自甄沈機先物深

略緯文尋邑百萬貔虎為羣長穀雷野高旗雲英威既振新都自焚虔劉庸代紛紜梁趙三河未澄四關重
授神旌乃顧遞行天討金湯失險車書共道靈慶既啓人謀咸贊明明廟謨赴雄斷於赫有命系隆我漢

原晉傳元漢明帝贊曰肅矣孝明仗法任刑勤綜萬機察下以情未弘道治用致太平專信俗儒非禮之經

增宋范蔚宗漢明帝贊曰顯宗丕承業業兢兢危心恭德政察姦勝備章朝物省薄墳陵永懷廢典下身遵道

登臺觀雲臨雍拜老懋惟帝績增光文考 又漢章帝贊曰肅宗濟濟天性愷悌於穆后德諒惟淵體左右藝

文斟酌律禮思服帝道弘此長懋儒館獻歌戎亭虛候氣調時豫憲平人富 **原**唐太宗晉宣帝贊曰仲達猜

忌狼顧為人稱疾迷謬形神不親辛毘仗節蜀將貽巾委質北面終為魏臣 **增**唐太宗晉文帝贊曰世宗繼

文邦權未分三千之士其從如雲世祖無外靈關靜氛反雖討賊終為弑君 又晉惠帝贊曰惠帝居尊臨朝

聽言厥體斯昧其情則昏高臺望子長夜奚寃金墉毀冕蕩陰釋胄及爾皆亡滔天來邁 又晉明帝贊曰傾

天起害猛獸呈災琅邪之子仁義歸來龔行趙璧命筆荆臺雲瞻北晦江望南開晉陽禦敵河西全壤胡寇雖

艱靈心弗爽三方馳驚百蠻從響寶命還昌金輝載朗明后岐嶷軍書接要并首晨懸董膺昏燎厥德不回餘

風可劭 又晉孝宗贊曰委裘稱化大孝為宗遵彼聖善成茲允恭西旌玉壘北旆金墉遷殷舊楚莫不來從

哀后寬仁惟靈既集海西多故時災見及彼異阿衡我非昌邑 梁蕭子顯南齊高帝贊曰於皇太祖有命自

天同度宇宙合量山淵宋德不紹神器虛傳寧亂以武黜暴資賢庸發西疆功與北翰偏師獨克孤旅寔斷援

旆東夏職司靜亂指斧徐方時惟伐叛抗威京輦坐清江漢文藝在躬芳塵淵塞用下以才鎮民以德端已雄

眸君臨尊默苞括四海大造家國 又南齊武帝贊曰武帝丕顯徽號止戈韶嶺歌授彭派澄波威承景曆肅

御金科北懷戎款南獻夷歌市朝晏逸中外寧和 **原**唐太宗梁武帝贊曰緬維梁武九五居尊何為自屈沈

冥釋門災興佛寺 又繼帝開竟罹凶逼天道寧論 **增**唐李德裕武宗真容贊曰唐運中興天授大君軒耀其

武堯煥其文北公獫狁漠朝無氛西伏堅昆稽首稱臣夜生壺關盜起河汾沉機先物雄斷解紛克定羣慝竟

全大勳八表既寧萬幾益勤爰命采績載模天具崑閭仙岑峻極秋旻逢瀛白日光照清晨涵育如天尊嚴如

神輝赫網緼為龍為雲聖作物覲禎祥以臻宣光乃孕虞熙載戰致建中和金聲玉振太階既平廟器乃陳化

下以德持盈以仁四瀆宗海眾星拱辰億萬斯年藻明日新

原頌晉牽秀黃帝頌曰邈矣皇軒應天載靈通幽遠覽觀象設形誕敷厥訓彝倫攸經德從風流化與雲征皇猷允塞地平天成爰登芳岳封禪勒成紛然鳳舉龍騰太清達茲九土陟彼高冥民斯攸慕涕泗沾纓遐而不

陸式頌德聲

晉陸雲漢高祖盛德頌曰於皇漢祖纂育有唐平章在昔文思百王丹輝栢列火精幽光爰

茲聖緒頹維弛綱靈曜燿燦隋景扶桑則天未墜重規旻蒼其規伊何橫乾作峻厥德不回矩地能順有秦不競罔拯黔首震驚子師思處神主上帝曰咨有鑒有赫乃眷伊漢此惟子宅明明聖皇既受帝社雲騰下邑風駭泗水仰鏡天文五緯同晷俯察雲符神母爰止思文聖王克廣克遐威凌羣桀德潤諸華爰祀天人天人攸嘉爰輯蒸徒所和既和既順乃矢德肯豐沛之旅其會如林朱旗虹超形旆電尋推師蕭曹撫劒高吟元戎薄伐時罔不翕凌波川潰肆野陸沈咸陽克沴既繫秦后我我阿房乃清帝宇穆穆聖皇天保攸定有項畔換不式王命王命既愆黜我西土於鑠王師遵時匪怒爰赫乘疊席卷三夏嘽嘽戎軒矯矯乘馬燮伐強楚至於垓下天誅薄曜暴籍授首區夏既混宇宙蒙又肅肅帝居魏魏神器有皇于登是臨天位繡文于裳組華于黻明明天子有穆其容至止鏘鏘相惟辟公宣聲路寢發號紫宮頌此愷悌以畜萬邦思樂皇慶協於時雍琴瑟在御大于舞功越裳委贄肅慎來王明明聖皇闔國乘制分主詐勞河山命誓禮律克彰典文垂藝有漢恢恢疏罔不替聖功克明九方孔安良宰內幹武臣外開漸澤冀域沾被戎蠻連光大業萬載不刊隋薛道衡

隋高祖功德頌曰太始太素荒茫造化之初天皇地皇杳冥書契之外其道絕其跡遠言說所不詣耳目所不追義軒以降爰暨唐虞則乾象而施法度觀人文而化天下帝王之任可重聖哲之道為尊夏后殷周之國禹湯文武之主功濟生人聲流雅頌然陵替於三五懋德於千戈秦君閔位用刑名為政本漢執靈圖雜霸道而為法當塗興而三分峙典午末而四海亂九州封域窟穴鯨鯢之羣五都遺黎蹴踘戎馬之足雖元行定萬洛水運據殺函未止滄海之流詎息崑山之燎叶千齡之旦暮當萬葉之一朝者其在大隋乎粵若高祖誕聖降靈則赤光照室韜神晦迹則紫氣騰天龍顏日角之奇玉理珠衡之異著在圖錄彰乎儀表而帝系靈長神基崇峻類邠岐之累德異豐沛之勃起龍躍鳳翔濡足援手應赤伏之符授元弧之錄命百戰百勝之將勳九天

九地之師廓氛霧於區宇出黎元於塗炭天柱傾而還正地維絕而更紐殊方稽顙識牛馬之內向樂師伏地懼鐘石之變聲萬姓所以樂推三靈於是改卜壇場已備猶弘五讓之心億兆難違方從四海之請光臨寶祚展禮郊丘舞六代而降天神陳四珪而饗上帝乾坤交泰品物咸亨酌前王之令典改易徽號因庶民之子來移創都邑天文上當朱鳥地理下據黑龍正位辨方揆景於星日內官外座取法於辰象懸政教於魏闕朝羣后於明堂除舊布新移風易俗八荒無外九服大同四海爲家萬里爲宅乃休牛散馬偃武脩文爰命秩宗刊定五禮申勅太常改正六樂玉帛尊俎之儀節文乃備金石匏革之奏雅俗始分而留心政術垂紳聽覽早朝晏罷廢寢忘餐憂百姓之未安懼一物之失所行先王之道夜思待旦革百王之弊朝不及夕見一善事喜彰於容止聞一愆犯歎深於在子薄賦輕徭務農重穀倉廩有紅腐之積黎萌無阻饑之慮天性和恕仁慈惻隱恩加禽獸胎卵於是獲全仁需草木牛羊所以勿踐至於憲章重典刑名大辟伸法而屈情決斷於俄頃故能彝倫攸序上下各肅左右絕諂諛之路縉紳無勢力之門小心翼翼敬事於天地終日乾乾誠慎於無極陶黎民於德化致風俗於太康公卿庶尹遐邇岳牧僉以天平地成千載之嘉會登封降禪百王之盛典宜其金泥玉檢展禮介丘飛聲騰實常爲稱首天子爲而不恃成而不居冲旨凝邈固辭弗許而雖休勿休上德不德更乃潔誠岱岳遜謝憊咎方知六十四卦謙撝之道爲尊七十二君告成之義爲小巍巍蕩蕩無得以稱焉而深誠至德咸達於穹壤和氣薰風充溢於寓縣二儀降福百靈薦祉日月星象風雲草樹之祥山川玉石鱗介羽毛之瑞歲見月彰不可勝紀古語稱聖人作萬物觀神靈滋百實用此其效矣庶馮豪翰敢希贊述昔堽海之禽不增於大地泣河之士非益於洪流盡其心之所存忘其力之所及輒緣斯義不覺斐然乃作頌曰五運叶期千齡肇旦赫矣高祖人靈攸贊聖德挺生神謀獨斷殫惡彰善孝兇靜難宗伯揆儀太史練日孤竹之管雲和之瑟展禮上元飛禮太一珪璧朝會山川望秩占揆星影移建邦畿下馮赤壤上叶紫微布政衢室懸法象魏帝宅天府固本崇基甸河瀚海荒狼望種落陸梁時犯亭障皇威遠懾帝德遐暢稽顙歸誠稱臣內向勾越提封斗牛星象積有年代自相君長大風未繳長鯨漏網授鉞天人豁然清蕩禮教周備車書大同復禹之迹成舜之功禮以安上樂以移風憂勞庶績矜育黔首三面解羅萬方引咎納民軌物僉登仁壽聖化隆平生

人熙阜虔心恭已奉天事地協氣橫流休風紹至壇場望幸云亭虛位推而不居聖道彌粹齊迹姬文登發嗣聖道類漢光傳莊寶命知來藏往元覽幽鏡鼎業靈長洪基隆盛尚想睿圖永維聖則道洽幽明仁霑動植爰書不陳乾坤將息微臣作頌用申罔極

原

唐太宗頌曰厥初造化人倫既興乃建君長司牧黎丞肇自爰書

爰代結繩軒昊既謝唐虞以升後隋德衰順時革命三季之末于戈是爭赫矣神武經期作聖下括九圍上齊七政業統文武勲邁高光何險不濟何患不攘士女胥悅篚厥元黃斯物之至昭於我王我王覆育資生懷造配堯登唐方周在鎬翕受敷施明徵定保允迪厥德惟清帝道帝道欽明天下和平三時不害百穀以成我庾斯積如坻如京既富而教訟息刑清明明天子令聞不已百姓爲心萬方在已家賴寬政朝稱多士齊一華戎混同書軌東池溟渤西苑囑丘八蠻職貢六狄懷柔至德潛洽元化滂流日慎一日雖休勿休先天不違靈物效質丹羽儀韶翠黃承鸞甘露零草祥風應律嘉禾醴泉比焉自出符瑞見今煥圖書壇場設今望鑾輿至人忘已體中虛凝神姑射厭宸居厭宸居叶冥契龍駕升今邈遐逝垂元範今光來裔與元象今長昭晰飛英聲今越三代永錫祚兮億萬載

頌師古聖德

頌曰緬尋遐代詳觀往冊五勝質文三正沿革亂多化彰明寡晦積炎精既淪大運斯敷茫茫率土黯焉已夕皇矣大聖誕受天符雲飛九域電擊八區共工慝斃涿鹿妖除枝

換斯撤攬槍靡餘建武戢刃偃伯鮮車蠲苛削密求瘼恤隱琴瑟更張街策俱盡滿堂已樂聲誦循軫扇喝垂仁泣辜流憫吏勉端潔民歸愿謹肅恭禋祀祇事上天永惟孝享式備吉蠲外崇耆耄內睦親嫗歲時縑纈春秋醴饌煢煢是恤病瘵斯痊閭閻外戶馬牛內廩畎畝相移康莊交讓勿用桴鼓無虞亭障責納鮫人朝班狼望至誠感慶休氣致祥馴擾一角棲集五章華平挺幹朱草曜芳良耜畋多稔穰穰國儲億庾家登萬箱旌彼髦彥任仗忠力光被心膂列居槐棘如砥之平如矢之直淑慎微務精明品式菁菁者莪芄芄者莪芄芃芃械脩容禮闡朝翔書圖談極五際翫慕三古杳眇義窟恢宏學府儒墨兼陳申韓迭去豈資伯亮寧勞封鉅德音高朗絲言昭普黃竹麗章柏梁清引沈鬱澹雅疏通敏迅抽演闕文網羅遺韻孰登奧室罕窺墻仞妙心洞達神筆允從礪硃新勢奮發奇峰珪稷鈎婉霧散煙濃疎疎同金鶴蔚若據龍豈唯於趙信乃過鍾道惟天縱藝兼人術用而不知速而不疾至德無象微言罕述玉裕桂宮金植蘭室禮極敬愛行歸忠一天下文明日月貞觀百神受

職三靈叶贊泰階既平光華常煥超軒跨吳騰周軼漢萬壽無疆永延遐算 李百藥皇德頌曰臣聞聖人與天地合其德與日月合其明含吐陰陽之氣彈壓山川之精叶吹萬以亭育總得一而爲貞我所以誕膺明命大保鴻名 又曰惟皇唐之獨運冠風聲之往初練五氣於圓蓋張四極於方輿定羣雄之逐鹿拯方割之爲魚在炎靈之交喪屬皇輿之敗德降薦瘥於上元恣咆哮於中國無小無大圖帝圖王匹夫匹婦爲蟲爲蟹舉率土而咸棄雖同舟而作慝彼獨夫之肆志何汨典而亂常固違道而滅德實罔念而作狂始結怨於庶黎終自絕於彼蒼八荒九有山潰川竭天軸且迴地維將絕文章咸盪風雅咸缺在忠良而必焚罄冠冕而同裂或滔天而嫁禍或觸山而作孽極殷區以陸沈盡漢塗而喋血天縱神武景屬上皇自白水而龍躍肇參墟而鳳翔在中塗而聽誦將再駕而翦商惟神機之獨運乃撫翼而高驥命蒼兕而臨河曲殺黑龍而濟冀方指牧野而泰誓師鳴條而侮亡 又曰惟聖德之懷遠敷彝倫於絕漠合羣會而作貢極遐方而獻琛薦環裘而委質候風海而歸心周八荒而率俾重九譯而相尋效後覩於昧谷維神屏於鄧林應咸池而率舞遊上苑而懷音竭寶用而咸競罄虛心而畢舉乍鳴觀閣時遊禁禦文表仁義聲諧律呂下神雀於帝臺導甘泉於神渚龜書龍匣河圖將遊東鯨西鷄云亭載佇其餘藏山秘澤之珍撫實排虛之侶俱叶契於圖牒差無得而稱序 又曰昔天靈八萬千歲姬周三十六王蓋曆數之眇小曾不足以揄揚惟聖朝之期運符上帝之會昌臣下拜而稽首獻福壽之無疆資卜年與卜曆共地久而天長 聖唐一行明皇起義堂頌曰并州起義堂者皇天造帝之初高祖誓衆之地隋氏失御國亂無家小道自賢大才胥忌上帝不歆黎人咸戚六軍踰海而東敗萬乘過江而南覆豺狼入邑獫狁爭人黔首囂然方將無訴我高祖感之乃龍躍晉水鳳翔太原百神前驅萬姓來奔用湯武之兵靜新室之亂遵唐虞之緒承太王之基率百官受終於文祖輯五玉班瑞於諸侯類圓璽方之禮備封功爵德之議允約法惟簡代虐以寬子惠困窮懷柔蠻貊金石一變日月重華近古以來未有革命易姓若此之盛者也非天私我有唐惟天祐於積德非唐求於人庶惟人懷於累仁當此之時太宗內啓聖謀外行專斷躬擐甲胄跋履山川駕英雄而爲奧主一區域而定大業周詩曰昊天有成命二后受之信今之謂也於戲先后捨元子而立予主豈煩大位而付予天下自高祖創業百有六戰欽承丕緒十有四載東西南北無思

不厭山川鬼神亦莫不寧寧惟藝祖儲福之所致豈予幼孫菲德之能及方將運心於元妙之境勵志於造化之爐發令爲祥符施惠爲霖雨任賢爲兩曜仗能爲四時俾溥天之下有形者遂全懷生者自足樹鋪野藹田種嘉穀斷彫爲樸捐珠棄玉追大庭而齊風夢華胥而同俗非曰能爾願憑宗祏而效蒿癸亥之歲獻春正月濟河橫汾省方展義存問黎老緬摹本邦城郭巋然桑梓如舊覽風物之憂思尋王業之艱難惟高祖若天地之開闢化成萬類惟太宗若日月之照臨光於四表肇基發迹實在於茲前人有言曰禮不忘本樂保其德如姬詠周原劉歌沛邑思我烈祖如聞歎息之音嗟爾後人無忘成功之頌頌曰皇矣上帝臨下有赫降監四海求人之瘼吁彼隋煬其政不獲着我高祖此惟其宅高祖誕靈睿飛晉陽萬夫一心元戎啓行火旗炎炎雲鳥洋洋五星迺漢萬國謳唐天網恢疏王師節制威惟連戰老生摧斃山祇引軍河龍渡帝渭倉散積離宮弛閑關輔來蘇遠方咸惠長安宮室上法太微隋遜寶鼎唐在璿璣仗八變闕詔出九圍三靈協載百祿同歸帝謂太宗未正封略濤蕩颶埽霆馳電爍劒不摧鋒弩無再曠西平沂隴東取河洛杲密德充頭懸面縛北走獯鬻南達蠻荆遼碣作人梁岐底平海隅蒼生莫不來庭於昭義堂誓衆資始天命所起於胥頌美維予小子夙夜敬止於戲皇王緒思不忘 呂溫皇帝親庶政頌曰臣聞光宅大寶茂育羣生神而明之必在上聖然則所同道所異者時或以垂拱仰成或以勵精自致及乎俗躋仁壽理洽時邕弛張之政不殊勞逸之功則倍我皇帝體至化含元精苞乾綱履坤順誕膺駿命恢纂鴻休宣八聖之重光集百靈之奧祉如天之燾如地之容鼓義爲雷霆奮仁爲風雨幹璇衡而轉七曜懸金鏡而納九圍廓氛沴而川澄香禎祥而山委百姓不知其日用羣臣無望於清光而乃業邁乎前王功高乎古烈聖作物觀孰知其源陛下自代天統物之初則以屈已濟人爲意度臨庶政窮總萬樞四策賢良六親郊祀夏景昃而方食寒星在而求衣寸陰不捨於論思子夜獨觀乎啓事除一物之患而品類以安伸匹夫之冤而庶獄自直棄瑕而錄用含垢而有過小善可紀必拔於宸衷片言有孚不忘於睿聽至如天時之豐約地利之夸險邦賦之盈虛師律之貞暴閭閻之疾苦稼穡之艱難人風之情僞吏治之得失莫不密歸神算潛納皇明雖陰陽不能以氣欺雖鬼神不能以形遁何細而不及何大而

日慎一日既泰而不自泰既安而不自安兢兢乎業業乎此其所以廣運而有成全功之克舉者也然而感覆
燾之恩者欲天之彌高荷容載之德者欲地之彌厚仰照臨之明者欲日月之彌光微臣被淳風飲元澤親挹
行事親親昇平憂勞誠難願陛下勉之而已美善誠盡願陛下保之而已再拜稽首獻皇帝親臨庶政頌一首其
詞曰士師邁德元皇儲慶幽而復曜高祖受命貞觀致理開元殷盛艱而復康皇帝親政受命維何邇萬斯年
親政維何夕惕乾乾天道福謙我則奉天人生在勤我則率先憂堯之心勞禹之形求人之瘼思國之經年亦
豐止御膳不營夜如何其皇寢未寧脩文偃武太和氤氲海不揚波天無纖氛鳥章之長推髻之君會朝明庭
其從如雲魏魏崇崇於穆昭融宜播大樂以宣皇風鏗鏘盛德蹈厲神功下臣作頌永示無窮 明徐中行皇
帝即位頌曰於赫允烈在明八葉飭堪輿淳日月陛下渥元命之符御六龍而爰發敷淵聖之神孝稟后祖之
閔法燭宣告於皇祇洽七廟而周謁嗣適統以正祚信大曆之優協歲盛德之次離實籙賓之紀節日維寅而
肇貞辰屆宵而未晰奏鏞鼓以伶倫運玉輿而啓闔踐太微之法座暢九元之閭闔令德備矣穆穆皇皇吉儀
具戒既敕既匡肅肅法衛烈烈燎陽天軍奉翼雲旌抗張於是百僚儼以趨進盛珮服之鏘鏘咸稽首以共臣
荷大禮以肅將登宗伯以錫詔覃減澤於萬邦滌宿汙而布化俗更始以向方將廣繼述之丕志準熙皞於陶
唐煥嘉釐之日既隆萬壽以無疆猗兮休兮聖道明昌小臣含慶聲流頌章

淵鑑類函卷四十二

帝王部三 帝王總裁

帝王總裁六 述 諡 尊號 冊文 即位 冊文

原述後漢班固高祖述曰皇矣漢祖纂堯之緒實天之德聰明神武秦人不綱網漏於楚爰茲發迹斷蛇奮旅神母告符朱旗乃舉粵蹈秦郊嬰來稽首革命創制三章是紀應天順民五星同晷項氏叛援黜我巴漢西土宅心戰士憤怒乘釁而運席捲三秦割據河山保此懷民股肱蕭曹社稷是經爪牙信布腹心良平恭行天罰赫赫明明 又文帝述曰太宗穆穆允恭元默化民以躬率下以德農不供貢罪不收罕宮不新館陵不崇墓我德如風民應如草國富刑清登我漢道 又景帝述曰孝景莅政諸侯方命尅我七國王室已定非息非荒務在農桑著於甲令民用寧康 又武帝述曰世宗巍巍思弘祖業疇咨熙載髦俊並作恢我疆宇外傳四荒武功既抗亦迪斯文憲章六學統一聖真封禪郊祀登秩百神協力改正饗茲永年 又昭帝述曰孝昭幼冲冢宰淮忠燕蓋譚張實竅實聰罪人斯得邦家同 又宣帝述曰中宗明明寅用刑名時舉博納聽斷惟精柔遠能邇燁燁威靈不顯祖烈尚於有成 又元帝述曰孝元翼翼高明柔克尊禮故老優游亮直外割禁園內損御服離宮不衛山林不邑奄尹之訾穢我明德 又成帝述曰孝成惶惶臨朝有光威儀之盛如珪如璋壺闈恣趙朝政在王炎炎燎火亦允不揚 又平帝述曰孝平不造新都作宰不伊不周喪我四海

原述漢傳毅明帝諒曰惟此永平其德不回恢廓鴻績遐方是懷明明肅肅四國順威赫赫盛漢功德巍巍躬履聖德以臨萬國仁風弘惠雲布雨集武伏蚩尤文騰孔墨下制九州上係皇極豐美中世垂華億載冠堯佩舜踐履五代三雍既洽帝道繼備七經宣暢孔業淑著明德慎罰尊上師傅薄刑厚賞惠慈仁恕明並日月無有偏照辟如北辰與天同曜發號施令萬國震懼庠序設陳禮樂宣布璿璣所建靡不奄有貢篚納賦如歸父母正朔永昌冠帶僭耳四方共貫八極同軌 後漢蘇順和帝諒曰天王祖登率土奄傷如何昊穹奪我聖皇恩德累代乃作詞章其辭曰恭惟大行配天建德陶元二化風流萬國立我蒸民宜此儀則厥初生民三五作綱載籍之盛著於虞唐恭惟大行爰同其光自昔何爲欽明允塞恭惟大行天覆地載無爲而治冠斯往代往

代崎嶇諸夏擅命爰茲發號民樂其政奄有萬國臣民咸秩大孝備矣閔宮有恤由昔姜嫄祖妣之室本支百世神契惟一彌留不豫道揚末命勞謙有終實惟其性衣不制新犀玉遠屏履和而行威稜上古洪澤滂流茂化沾溥不憖少留民斯何怙獻歎成雲涕泣如雨昊天不弔喪我慈父崔瑗和帝誄曰元景寢曜雲物見徵馮相考妖遂當帝躬三載四海遏密八音如喪考妣擗踊號吟大隧既啓乃祖元宮永背神器升遐皇宮長夜冥冥曷云其窮魏曹植武帝誄曰於惟我王承運之衰神武震發羣雄殄夷拯民於下登帝太微德美旦昃功越彭章九德光備萬國作師寢疾不興聖體長歸華夏飲淚黎庶含悲神翳功顯身沈名飛敢揚聖德表之事旗乃作誄曰於穆我王胄稷肩周賢聖是紹元懿允休先侯佐漢實惟平陽功成績著德昭二皇民以寧一興詠有章我王承統天姿特生年在志學謀過老成奮臂舊邦翻身上京表與我王兵交若神張陳背誓傲帝虐民擁徒百萬虎視朝瀆我王赫怒戎車列陳武卒旆闐如雷如震樓槍北埽舉不決辰紹遠奔北河朔是賓振旅京室帝嘉厥庸乃位丞相總攝三公光受上爵君臨魏邦九錫昭備大路火龍元監靈蔡探幽洞微下無偽情姦不容非敦儉尚古不玩珠玉以身先下民以純樸聖性嚴毅平脩清一惟善是嘉靡疎靡昵怒過雷霆喜踰春日萬國肅虔望風震慄既總庶政兼覽儒林躬著雅頌被之瑟琴茫茫四海我王康之微微漢嗣我王匡之羣桀扇動我王服之喁喁黎庶我王育之光有天下萬國作君虔奉本朝德美周文以寬克衆每征必舉四夷賓服功踰聖武翼帝王世神武鷹揚左鉞右旄威陵伊呂年踰耳順體愉忠肅乾乾庶事氣過方叔宜並南嶽君國無窮如何不弔禍鍾聖躬棄離臣子背世長終兆民號咷仰愬上穹既以約終今節不衰既即梓宮躬御綴衣璽不存身唯緇是荷明器無飾陶素是嘉既次西陵幽閨啓路羣臣奉迎我王安厝窈窕元宇三光不入潛闔一局尊靈永蟄聖上臨穴哀號靡及羣臣陪臨佇立以泣去此昭昭於彼冥冥永棄兆民下君百靈千代萬乘曷時復形曹植文帝誄曰天震地駭崩山隕霜陽精薄景五緯錯行哀殊喪考思慕過唐擗踊郊野仰愬穹蒼考諸先紀尋之哲言生若浮寄德貴長傳朝聞夕逝死志所存皇雖殪沒天祿永延何以述德表之素旃何以詠功宣之管絃乃作誄曰元光幽昧道究運遷乾迴曆數簡聖授賢乃眷大行屬以黎元龍飛踐作含契上元五行定紀改號革年明明赫赫受命自天風偃物化德以禮宣詳惟聖賢岐嶷幼齡研幾六典學